

畿輔通志卷七十八

略三十三 河渠四 水道四 永定河

永定河第六 古灤水

桑乾泉 上源泉 玉泉 三泉 金龍池 司馬泊

小蘆泉 小蒲泉 灰河 黃花澗水 鳳凰山水 神

泉堡水 青羊渠 旰澗水 臘河 七里河 沙楞河

馬跑泉 雁門關水 鄯河 泥河 尾河 新莊子

河 黃水河 白泥河 木瓜河 磨道河 清水河

里八莊河

以上二十九水乃未稱渾河以前爲桑乾河所受者

渾源河 磁窯硤水 李峪水 淩雲白水 遠望峪水

神溪水 乳泉 唐泉 白土河 大石峪水 朗嶺

關馬跑泉

以上十一水皆渾源所受匯入桑乾者以下通稱渾河

大峪河 小峪河 紅山峪水 薛家莊河 宋家莊河

金龍山水 鎮子海 聖水泉

以上八水皆大峪河所受匯入渾河者

如渾水 和爾和河 色爾蚌河 葫蘆海 靈泉池

得勝河 八墩口水 武州川 水磨河 高山營水

雲岡堡水 石窯寒泉

以上十二水皆如渾水所受匯入渾河者

冊田渠 黑石嘴渠 石門溝 五泉河

自此四水以上皆在山西境內所受者以下入直隸界

小莊渠 王靈池 許河 一突泉 徽泉 范家溝

虎眼泉 車廠水 濯纓泉 柳固泉 黃羊坡二水  
五里河 狼河溝 汧河 麻地溝 七馬房兩溝 東  
城左右溝 谷水 溫泉 二馬坊溝

以上二十水皆渾河所自受者

壺流河 莎泉 瑞泉 石家泉 唐山泉 作曠池

枕頭泉 灑雨泉 集興曠池 滋泉 石門口河 山

河 暖泉 乾澗峪河 飲馬泉 直峪口河 小關村

河 靈泉 北口沙河 七里河 水峪口河 九宮口

河 金波泉 神仙口河 橫澗 定安河 會子河

金河 東湖 扶桑泉

以上三十水皆壺流河所受匯入渾河者

大黑溝 狼洞溝 上河溝 王家灣泉 搶紅崖泉

花園溝乾沙河 望扒梁泉 公務渠 南惠民渠 百

戶渠

以上十水皆渾河所自受者

東洋河 二道河 七七哈那河 蘇祿計河 西洋河

烏爾古河 蒙古几河 蘇爾札河 花山河 南洋

河 白登河 九龍泉 孫才溝河 西沙河 新河

新開口二泉 愛陽河 東沙河 龍池泉 水溝口河

託台水 海眼泉 虎窩泉 柳河 東河 鎮川河

塔兒泉 紅塘河 紅桃溝 清水河 毛克令溝

太子河 偷樹坪泉 豪慶兒石窯泉 驛馬圖河 圪

料溝河 夾沙河 七慶兒溝 水母廟泉 大西溝

大東溝 東口西沙河 黃土梁山水 小清水河 柳

河川 朱家莊泉 黑臺溝 黨家溝乾沙河 水泉堡  
泉 安家臺乾沙河 泥河 後壩口乾河 小白陽堡  
乾河 松樹溝乾河 潢泉 響泉 鍬底湯 修水池  
馬草溝 葛峪口乾河 深溝乾沙河 城河 葛峪  
口分支乾河 碾槽溝乾沙河 李家堡泉 亭兒泉  
平坡渠 中惠民渠

以上六十八水皆三洋河所受匯入渾河者

八寶山水 西水泉 黑龍池 龍王堂水 水頭寺津  
七旗里泉 大小礬山水 東水泉

以上八水皆渾河所自受者

嬌河 長安嶺二乾河 縉陽泉 溪河 神仙溪 閔  
河 大水泉 劉家營泉 乾石河 灰嶺河 神樹屯

河 沽河 百眼泉 板橋河 西桑園乾河 小霽霧  
乾河 黑龍河 大柳河 琉黃泉 花園泉 黑山口  
河 南水泉

以上二十二水皆媯河所受匯入渾河者

望聖山水 小清河 水峪溝

自此三水以上皆爲渾河所受者以下更名盧溝河

沿河 險崖小溪水 三坡清水河 青龍澗 下馬嶺  
山河 清水澗 分水嶺雨溝

以上七水皆爲盧溝河所受者以下始名永定河

兩金溝故瀆 稻田村舊減河 金門閘舊減河 新減  
河 長安城舊減河 求賢村舊減河 北村壩舊減河  
胡林村舊減河 馬慶河 崔營村舊減河 曹家務

舊減河 盧莊壩舊減河 郭家務舊減河 坦坡埝舊  
減河 清涼寺舊減河 張仙務舊減河 雙營壩舊減  
河 半截河舊減河 馬家鋪舊減河 冰窖口舊減河  
小惠莊舊減河 五道口舊減河 西畔河故瀆 東  
畔河故瀆 雅拔河故瀆 小韓村乾溝 徐孟泊 響  
河 三角淀 龍河 叉光 二光 沙家淀 朱家淀  
葉淀 鳳河 涼水新河 母豬泊 天津溝 曹家  
淀 青光

以上四十一水皆永定河所受者

通計永定河上源下委山西直隸兩境共受有名之水二  
百七十有三

增記

本朝光緒以前永定河下口十四次改行水道

順治十一年高橋窪

康熙三十七年安瀾城

康熙三十九年柳岔口

雍正四年范養口

乾隆十六年冰窖口

乾隆二十年賀堯營

乾隆三十七年條河頭

乾隆三十八年響口村

嘉慶六年母豬淀

嘉慶十七年黃花店

道光三年汪兒淀

道光十一年王慶坨

同治三年南柳坨

同治十一年卽今道

永定河水道

永定河卽桑乾水之下流而水經注所謂灤水者也俗本譌書作濕水案說文灤水出雁門陰館縣累頭山東入海力追切至魏書作湮已誤若涇則更不得讀若雷矣卽濕餘水亦

當作灤餘也永樂大典內水經注本皆從說文作灤可證桑  
欽曰灤水出雁門陰館縣東北過代郡桑乾縣南因其過是  
縣故名桑乾水永定河志云相傳每歲桑甚熟時河水乾涸  
則亦臆說耳若名爲永定乃康熙三十七年

聖祖所賜名蓋鑑於古無定之稱而思萬世永賴也其水共分四大  
支曰桑乾河中支正源也曰洋河卽於延雁門等水爲北支  
曰壺流河卽祁夷倒刺等水爲南支曰渾源河並如渾武州  
等水爲西支此三支與中支皆源於山西而東入

畿輔惟媯河爲東支及北支內清水等河乃源於直境餘若纖  
流埊入不足數矣然皆爲桑乾河所受至石景山乃爲永定  
河而統觀諸書所載則明史河渠志云桑乾河自馬邑渾泉  
溢出是以渾河爲桑乾水部備考云盧溝河至馬邑發爲渾

泉流爲桑乾是又以盧溝爲桑乾皆作互受通稱之語竊惟  
灤水桑乾渾河盧溝雖合而實分也其源於忻州之靜樂而  
重見於朔州之馬邑者爲桑乾水至渾源州受渾源川之八  
水始名爲渾河入直隸境至盧師臺稱盧溝河抵南北金溝  
乃爲永定河而水經獨以灤水名篇是灤水又爲桑乾諸水  
之綱領故欲溯永定之源必自桑乾始而溯桑乾之上源又  
當自灤水始灤水者治水也水經酈注曰灤水出於累頭山  
一曰治水泉發於山側沿坡厯澗東北流出山逕陰館縣故  
城西又東北流左會桑乾水今考山西通志累頭山在代州  
雁門廢縣西北六十里卽勾注七峰之首漢志所謂中陵有  
累頭是也山形勾轉水勢注流故曰勾注灤水之源於是焉  
出而方輿紀要則以灤水爲卽桑乾水發源於馬邑之洪濤

山謂洪濤山卽累頭山水道提綱永定河志亦皆云洪濤山  
卽古累頭山與代州勾注峰首之說兩地相懸而山西通志  
於朔州馬邑鄉洪濤山又云上有五峰下有七泉涌出名黃  
道泉卽灤水也一名神頭山又名灤頭山據此則累頭山有  
二一在代州勾注峰一在朔州馬邑鄉不應作此模稜之見  
以地形求之則洪濤在桑乾之北勾注在桑乾之南原皆相  
去不遠蓋灤水有三源焉其正源曰洪濤泉出故馬邑西北  
十里雷山東之洪濤山故名卽古累頭山也自出山後色微  
濁故又名黃道泉西南流十餘里至馬邑城西北與桑乾泉  
會

桑乾泉灤水之西源也道元曰縣西北上平洪源七輪謂之

桑乾泉卽潦涇水者也

案桑乾應卽潦涇之轉以桑潦同母乾涇同子皆由滑讀而成耳

其

水潛通承太原汾陽縣北燕京山之大池池在山原之上世謂之天池澄渟鏡淨潭而不流山西通志燕京山在寧武縣南二十里乃管涔山之東峰管涔在縣西北六十里直朔州

南百二十里距靜樂縣東北百四十里

案一統志今靜樂縣漢曰汾陽本屬太原

府雍正二年改屬忻州

元和郡縣志靜樂縣天池在縣北燕京山上周

回八里魏孝文帝以金珠穿魚七頭放此池後於桑乾泉得之猶爲不信復以金縷拖羊箭射大魚久之又於桑乾河得所射箭乃知潛通之說不虛矣山海經北山經天池之山繩水出焉潛於其下亦卽桑乾之舊名也紀要曰北人謂天爲祁連故俗名祁連池其水伏流不見由地中行百二十里至故馬邑縣西北洪濤山下七泉涌出酈注所謂洪源七輪也七泉者曰上源泉

在縣西北十里雷山前

曰玉泉

在縣西北雁門山西

曰三泉

在縣

西北十里 曰司馬泊 在司馬鎮南爲金龍池上流 曰金龍池 在縣西北司馬鎮鄂國公

神頭村 廟 曰小蘆泉 一名細蘆灣又名戲龍灣亦在縣西北 曰小蒲泉 一作小浦泉在縣西北五里

而總名曰洪濤泉又通稱曰黃道泉則皆從正源之名也流

至新磨村而合乃東南流至馬邑故城西北左會正源洪濤

泉遂合而南流逕城西至城南過永濟橋東則灰河又自南

來會

灰河 一作恢河 亦名蔚李河灤水之南源也即水經注之馬邑川

道元曰俗謂之磨川馬磨聲相近音譌耳今按灰河出管涔

山分水嶺之北麓 在寧武府西 東北流至紅崖兒村伏流十

五里於塔底村南復出經寧武府南又東有黃花澗水自北

來注之 神池縣南十三里有黃花嶺東南皆接寧武界與山陰縣之黃花嶺別其水出澗中東南流入灰河 又

北流有鳳凰山水自北來注之 鳳凰山水在神池縣西二十五里其水南流入灰河 又

河渠略 水道四

北至陽方營出邊城入朔州界逕城南有神泉堡水自西來

注之

水出寧武所西北至神泉堡北流出邊城大水口又東北有神木堡水自西北來合又東北至朔州南入灰河

又東有青羊渠合岢澗河臘河自北來注之

青羊渠在神池縣東北三十里

諸山谷水所匯流入朔州合岢澗河

岢澗河在朔州北十里

里發源團堡西北石槽村東南流與臘河合

臘河俗書作

喇河安瀾志分載爲二非是在朔州北二十里

洪濤山之陽南流合岢澗水又東南入灰河又東南流有

七里河自北來注之

七里河在朔州北七里出洪濤西北山下流逕酸棗村東南合灰河俗名北河

又南流有沙楞河自西北注之

沙楞河在朔州東南三十里相傳脈通海眼流逕賈家莊

東入灰河

又東南流屈而北至故馬邑城南與灤水桑乾交匯三

源畢會自此以下通稱桑乾河

桑乾河乃東流逕三家店北又東北流有馬跑泉自西北來

注之

馬跑泉出馬邑興文堡東南流入桑乾河

又東至西河底村有雁門關水自

西南來注之

雁門關水發源代州西北三十里趵突泉

山西通志作豹突泉

在雁

門關西門外水源奮激北流出塞合山北諸水又北入桑

乾河

桑乾河又東北流有鄯河自西北來注之

鄯河山西通志在朔州東五十里東流逕故馬邑縣東三十里又東入桑乾河蓋今朔州附郭隋爲善陽縣自唐至元皆爲鄯陽縣故卽名其水爲鄯河永定河志序桑乾所受水道次於雁門關水之後是信而有徵 畿輔安瀾志乃載鄯河於桑乾未會灰河之前又以鄯河爲卽水經注之崞川水且附會其說水出善陽故曰鄯河此則失之遠矣按鄯注崞川水出崞縣故城南西流出山北逕繁峙縣故城東又北逕劇陽縣故城西王莽之善陽也十三州志

曰在陰館縣東北一百三里又東注於灤水夫古之崞縣  
繁峙爲今渾源州地劇陽爲今應州地陰館爲今代州及  
山陰縣地以輿圖核之則朔州之東爲馬邑又東爲山陰  
又東爲應州又東爲渾源州自朔州至渾源州二百數十  
里灰河之合桑乾尙在馬邑城南安瀾志乃入鄯河於馬  
邑以上其誤可想而猶以善陽爲詞不知崞川所逕之善  
陽乃王莽之善陽在今應州鄯河所出之善陽乃隋置之  
善陽在今朔州也豈得誣引

桑乾河又東北流有泥河自西北來注之

永定河志自泥河村東南流入桑乾

河山西通志泥河在馬邑東北三十里距朔州東七十里

又東流折而北過西施院有尾

河自西北來注之

永定河志尾河自陽和堡入大同府境東南流入桑乾河

又東北流逕

安銀子村東南沙嶺之北至山陰縣西轉而北流又折而東

繞黃花岡南卽水經注之黃瓜阜也又東有新莊子河自北岸注之

新莊子河卽水經注武州塞水也

俗本作武周誤

道元曰水出故

城東南流出山逕日沒城西

在縣北四十五里俗名黃昏城

在黃瓜阜北

曲中又東流右注桑乾水按後魏武州縣今繁峙縣也而

新莊子河則發源於懷仁縣南七十里之新莊子村入山

陰縣界南流繞黃花嶺麓出大于口

在黃花嶺西

又東南入桑

乾河

按懷仁山陰繁峙原相接壤故統名曰武州塞水今日新莊子河則探源立論耳

桑乾河又東流入應州界則有黃水河自南來注之

黃水河源出朔州西南四十里之龍灣峪

在雁門關北

有二源

合而東北流別有一源自邊丙廣武驛西出邊北流會二

源出三泉口又東北流百里逕山陰縣城南又東北逕朱